



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 4. Mores hodierni Græcorum.

urn:nbn:de:hbz:466:1-13167

tum, & quatenus monte de Costegnatz, seu Hæmo à Septentrione restringitur.

LATITVDO eius dicitur ab urbis Varnæ territorio sub 45. gradu ad Promontorium Tænarium, vulgo Metapan, aut des Cailles, sub gradu 35. igitur continet 600. millia passuum Geometricorum, seu leucas nostrates 300. Germanicas 150.

LONGITVDO desumitur ab urbe Dulcinio Dulcigno in limite Albaniæ ad Castella Freti Constantinopolitani, vulgo les Châteaux, quæ distantia 9. gradus reddit in magno circulo, ideoque continet 540. millia passuum, leucas Francicas 270. Germanicas 135.

§. 3. Qualitas nouæ Gracia.

OLIM regio cultissima erat, & fertilissima, nunc penè deserta, colonis ferè vbique deficentibus; quare ante aliquot annos 30. millibus Calabrorum in Albaniâ agri gratis assignati sunt ab Ottomano. Huius vastitatis ratio est quod Turcæ Græcos diuites non patiantur esse, sed eos fictis criminibus, si vera desint bonis spolient: quamquam miseri hi homunciones, dominos illos acerbissimos Latinis anteferant, ex innato vtriusque imperij odio. Postea de singulis regionibus aliqua magis singularia dicemus.

§. 4. Mores hodierni Græcorum.

Dominorū suorum magna ex parte induere mores: qui Turcæ seruiunt, à Turcis nihil differunt; qui Venetis, Venetorum fere more viuunt. Antiquam maiorum consuetudinem in hac parte retinuerunt: libertissimè pergræcantur, atque epulis indulgent, & vino. Zelotypiā ardentissimā laborant, neque vxores suas facile, aut à quo quis videri sicut. Magnificè vestiti incedunt fluente Togâ, cui pallium superinducunt, vestem vocant, *vne veste*. Comam ab occipitio nutrunt, in anteriori parte rescidunt: linguam suam multis vocibus Arabicis, Turcicis, Slavicis, Latinis, Italī, immo & Francicis admixtam habent. Quare obseruat Crusius in suâ Turcogræciâ supra septuaginta hoc tempore huius numerari dialectos: Thessalonenses cæteris purius loquuntur. Annum suum à Septembri auspicantur, seu ab Æquinoctio Autum-

nali, ob Indictionem Constantini, cuius initium cecidit in 23. Septembris. Numerant annos suos ab ortu mundi non à Christo nato, & anno mundi 5508. Christum ortum esse arbitrantur, itaque hunc annum Christi 1647. numerant annum mundi 7155. Si nuptias cum Turcâ contrahant perpetuò excommunicantur; si cum Latino, ad tempus aliquod duntaxat. In funebribus pompis salgamata, & vinum offeruntur adstantibus; fœminæ sibi vellunt capillos, ora lacerant, multis cum singultibus vulantes. Viduæ teto anno carent publico, & neque vestem, neque indusum mutant. Armis ferè Græci carent, & tantum mechanicas artes exercent, aut nauigationibus vacant, in quibus peritissimi iudicantur.

§. 5. *De Religione Græcorum.*

RITV à Latinis differunt, secundum quem administrant legiti-
mè omnia quæ ad Dei cultum, & Sacraenta pertinent: in pane
fermentato consecrant, & calidam infundunt Calici, in memo-
riam calantis sanguinis Christi. Laici sub vtrâque specie commu-
nicant. Sacerdotes seruant vxores suas, & iis vtuntur ad prolem;
repudiatiâ vxore iustâ de causa Laici alteram superinducunt: ter-
tiæ nuptiæ, seu τετραπλά grauissimis pœnis prohibetur. Comam
alunt Sacerdotes, & barbam: ita muniunt se signo Crucis, ut ma-
num à dextra parte promoueant ad sinistram, contrario Latinis
more; aliqui & in dextrâ, aut sinistrâ hærent, neque Crucem ab-
soluunt, ut innuant Spiritum Sanctum à Patre solo procedere. Die
Mercurij, & Veneris abstinent carne, piscibus, & butyro; sed pa-
nè, herbis, & oleo tantum vtuntur. Calogerî etiam his diebus
oleum non gustant: quadruplicem seruant Quadragesimam, pri-
mam à Sexagesima ad Pascha quam Magnam vocant; secundam SS.
Petri, & Pauli, ab octauâ Pentecostes ad festum eorum Sancto-
rum; Tertiam, B. Virginis ab initio Augusti ad Assumptionem:
Quartam S. Philippi, à festo eius Sancti qui incidit in 14. Nouem-
bris ad Natalitia Christi. Calogerî, seu Monachi magnæ hæc vene-
rationis, ex his tantum Patriarchas, Archiepiscopos, & Episcopos
eligunt. Homines hi duriter viuunt, & labore manuum, ignari ma-
gnâ ex parte, sed subdoli, & vafri: seniores patres, iuniores filios
appellant; pauci inter eos Sacerdotes. De aliis eorum ritibus le-
gantur Crusius in Turco-Græciâ, Cotouicns, & alij.

L 11 iii